

沅陵縣志



沅陵縣志



新刻 沈陵縣志
同治十二年重修

沈陵縣志

重修沅陵縣志序

江文通言修史莫難於志誠以
微文大義據事直書政事之得
失繫焉風俗之盛衰見焉邇實
則誣略載則陋其文欲簡其事
貴核勸懲之旨悉於是乎具非

徒以網羅散失爲能也沅陵縣
舊志修於康熙乙酉閱年已百
有六十風氣民情月殊歲異其
間官司之政教土俗之變遷與
夫文學武功嘉言懿行爲前志
所不及志者固宜亟爲掇羅彰

闡記載登諸新乘作一邑之信
史洵今日之急務也同治戊辰
大府舉修省志劄呈郡邑志藁
而邑志百六十年間事缺焉無
徵余深懼歲月就湮若不及時
訂考其放失遺棄愈多爰集前

令守君現今於君商諸都人士
博採而續編之延許曉東觀察
董其成宿獻張廣文定夫汪廣
文王舟修明經曉汲等考証摻
輯張崑生石鶴泉修伯香三茂
才分纂其事周諮博訪撮要刪

繁閱兩寒暑而書成文不必頡
頽古人而義例不舛紀載不誣
足以信今而傳後者其在斯乎
雖然余更有所望焉夫前事者
後事之師也政事之更革風教
之遷移或得或失炳若列星所

汾陽縣志
願官斯土者省覽是編因民之
利辨地之宜又何慮出門合轍
之誤哉

同治十年歲在重光協洽正月
下澣辰州府知府陽湖劉曾撰

謹誌

重修沅陵縣志序

余自丙寅秋來宰是邑即檢閱
志乘期識風俗辨疆域因地而
制宜焉及見夫自東漢隸版圖
設官治以來山川競秀地獻其
靈人物迭興才極其盛且境為

全楚西南扼要左屏湘漢右達
滇黔峯巒疊複耕鮮平疇水陸
交衝民疲力役不禁惶然滋懼
切汲深綆短之憂矣夫維風化
者忠孝節義為先也興文教者
醇儒碩學為尚也奮武功者仗

義敵愾為最也是不可不急彰
闡為激勸資然自康熙乙酉邑
宰郎公創修後迄今閱百六十
餘載其間潛德幽光與時俱湮
者不知凡幾因就商邑士大夫
為採訪計幸得觀察許公光曙

殷然以纂輯為任共襄其事者
又得司鐸張君開謨汪君大昭
修君增祺與諸士紳等不旁搜博
採詢及芻蕘撮要可芟繁詞符義
例兩厯寒暑乃告厥成其足備
史氏之書者夫何待言而書賢

書良仕宦儀型在於斯書貞書
孝庶民則倣在於斯書文書藝
書科名士林之程式亦在於斯
將自茲觀感興起永為聲明文
物之邦是則匡余治理之不逮
者實為切要也經云彰往察來

當名辨物其是之謂夫曷容自
已而不為之叙與

同治九年歲在庚午十月上澣
賜進士出身知沅陵縣長白守

忠識

重修沅陵縣志叙

沅陵始漢建武附郡治巖邑也自馬
伏波征五溪蠻宋均為辰陽長興學
校明教化人心風俗漸為移易雖遑
圉一才藪也康午秋余持檄來沅興
諸生接見衣冠古處有樸慤風也訪
風景小酉臺頭遺蹟尚存也問土俗

刀耕火種流風未艾也惟志乘久缺
徵文考獻軼事渺聞可慨也越明年
新志成邑人士以稿授予而屬以序
常道將云善志者述而不作序事者
實而善華徒事鋪張以為之序登樓
也海市也奚當於志也夫志乘者人
心風俗所見端也其原必自學校始